

# KENYATAAN MEDIA



**KEMENTERIAN PERDAGANGAN DALAM NEGERI DAN KOS SARA HIDUP**  
No. 13 Persiaran Perdana, Presint 2,  
62623 Putrajaya  
No. Telefon : 03-8882 5562  
No. Fax : 03-8882 5569

## PELANCARAN PROGRAM INISIATIF PENDIGITALAN SEKTOR PERUNCITAN (ReDI) DAN MENU RAHMAH PERINGKAT PASAR SITI KHADIJAH, KELANTAN

**KOTA BHARU, 10 JUN 2023 –** Yang Berhormat Datuk Seri Salahuddin Ayub, Menteri Perdagangan Dalam Negeri dan Kos Sara Hidup hari ini telah melakukan sesi pemantauan dan walkabout sekaligus merasmikan **Pelancaran Program Inisiatif Pendigitalan Sektor Peruncitan (ReDI) dan Menu RAHMAH peringkat Pasar Siti Khadijah di Kota Bharu, Kelantan.**

2. Untuk pengetahuan umum, sehingga hari ini, seramai **1,372 peniaga seluruh Negeri Kelantan** telah mendaftar dan menggunakan e-wallet dalam transaksi perniagaan harian dimana **291 daripadanya merupakan peniaga di Pasar Siti Khadijah** dan ini merupakan hasil dari kerjasama penyedia e-wallet seperti Bank Islam, Maybank, Touch N Go dan Boost.
3. **Program Program Inisiatif Pendigitalan Sektor Peruncitan** atau juga dikenali sebagai **ReDI** ini bertujuan untuk **memberikan sokongan, sumber daya, dan bantuan teknologi kepada para peniaga runcit dalam memasuki era digital yang semakin canggih dan kompleks.** Program ini melibatkan beberapa cabang dan strategi, termasuk pengenalan sistem pembayaran melalui QR Code, advokasi kepada peniaga, dan latihan untuk mempersiapkan peniaga dengan pengetahuan dan keterampilan yang diperlukan dalam menghadapi persaingan di dunia digital.
4. Pada masa yang sama, **YB Menteri PDN** turut merasmikan **Program Menu RAHMAH peringkat Pasar Siti Khadijah.** Untuk makluman, sehingga kini terdapat **95 peniaga yang telah menyertai Menu RAHMAH**

**di seluruh Negeri Kelantan manakala di Pasar Siti Khadijah ini sendiri terdapat 15 peniaga yang menawarkan Menu RAHMAH dengan pelbagai juadah yang menarik.**

5. **KPDN** amat berbesar hati dengan sokongan yang diberikan oleh peniaga-peniaga makanan di **Pasar Siti Khadijah** dan pada masa yang sama turut menyambut baik seruan kerajaan dengan menyertai **Program Menu RAHMAH** ini. Diharapkan dengan adanya **Menu RAHMAH** di pasar ini dapat menjadi tarikan kepada pengunjung untuk datang membeli belah di samping menjamu selera dengan harga yang berpatutan.
6. **KPDN** juga telah mewujudkan satu portal bagi membolehkan orang ramai mendapatkan maklumat lokasi premis menjual **Menu RAHMAH** yang berdekatan dan peniaga juga boleh mendaftar penyertaan mereka dengan melayari <https://menurahmah.kpdn.gov.my>.
7. **KPDN** menyeru lebih ramai lagi pemain industri khususnya industri restoran dan makanan supaya dapat bersama-sama berganding bahu dengan Kerajaan untuk menjayakan aspirasi ini bagi meringankan kos sara hidup rakyat **Malaysia MADANI**.

**YB DATUK SERI SALAHUDDIN BIN AYUB,  
MENTERI PERDAGANGAN DALAM NEGERI DAN KOS SARA HIDUP,  
KELANTAN, 10 JUN 2023.**

**###**

## LATAR BELAKANG

Kementerian Perdagangan Dalam Negeri dan Kos Sara Hidup (KPDN) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampung sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDN:



Perbadanan Harta Intelek Malaysia  
Intellectual Property Corporation of Malaysia



SURUHANJAYA PERSAINGAN MALAYSIA  
MALAYSIA COMPETITION COMMISSION